

**Protocol da la radunàza generala da l'URGC
Igl 19-05-2022 an l'ustreia Arlos, Savognin**

1. Bagnvagnieu

La Simona fa igl bagnvagnieu. Bi da puspe far la radunàza an praschientscha.

Bagnvagnieu ad angraztgamaint a l'Urezza Famos ad igl Diego Deplazes.

Urezza Famos: Avànt egn mains â ella ampriu d'ancanuscher la suprastàza. Ella angraztga pigl invid a la sasida. Davent da 6 mains e ella an ufezi ad â grànd plascher da la lavur. Dalùnga egn on cun Diego Deplazes an la LR. Egn giavisch e da restar a la basa a purtar aint novas ideias a novs impuls sen l'organisaziùn.

Diego Deplazes: El salegra dad easser qua. El e ved'igl saluvrar aint an las diferaintas tematicas. Igl amprem miez on â igl contact cun las uniùns mantgieu. El â schon gieu la pussevkladad da visitar diferaintas radunàzas generalas. Igl e bi dad easser qua cun la colavuratura regiunala Martina Cantieni.

Stgisas: Carmen Dedual, Rinaldo Candreia, Andrea Tommen, Gian Michael, Cornelia Candreia

Gierina Michael fa ear egn bagnvagnieu.

L'URGC dovra egn nov revisur.

2. Tschearner dumbbravusch

Igl Patric Vincenz dumbra las vuschs. Da 19 parsùnas preschaintas pon 16 parsùnas vuschar.

3. Aprovar igl protocol da la davosa radunàza generala

Igl protocol e da catar sen www.urgc.ch ad e vagnieu fatg igl on davos suainter la radunàza generala a scret. Aczepto unanimameing.

4. Aprovar igl raport da gestiùn 2021

La Gierina Michael leva dar giou igl presidi mo â fatg anavànt sco co-presidenta cun la Simona a cugl Flavio sco cassier. Igl Marc â sustanieu ella cun quella midada. Igl e vagnieu ancuret g candidat(a)s par igl presidi da la LR. La Giana a la Urezza ân getg tier da far egn co-presidi ad en alura vagnidas tscharnidas.

Cun la Martina Cantieni en ign sen bùna veia c'igl vean fatg duple par rumantsch agl cumegn Muntogna da Schons (cumegn biling).

Igl parc natural a la tgea da tgànt en ear an barat cun la Martina Cantieni a la Gierina Michael.

L'Uniùn Sutselva Rumantscha vut ca la glied rumantscha da la Val Schons s'antopa

daple a vutan far activitads par ca la caschùn da bagliafar anzemel rumàntsch e dada.

Divers projects en vagnieus sustanieus, p.ex. Beverin Interviews digl Casper Nicca, noua c'el fa intervestas da glied ple viglia. Near l'ediziùn digl cudesch digl Linard Candreia (Schi grond e que pitschen mond). Near canzùns da cors rumàntchs sen chanzunettas.ch near liedli.ch. Ear igl calender par mintga gi ad igl dicziunari (egn'App) en vagnieus sustanieus.

Cordial angraztgamaint agl Marc Decurtins ad agl Gion Capeder c'els en stos an mintga sasida da l'URGC ad igl â do egn bün barat cun la LR. Angraztgamaint a Patric Vincenz.

Amparada Martin Cantieni: Ign stuess far daple par igl rumàntsch an la Muntogna da Schons. Rasposta: L'antiera suprastàntza bagliafa rumàntsch. La canzlista e fetg sensibilisada pigl rumàntsch. Igl vean fatg blear daple ca quegl c'igl e vagnieu fatg avànt. Mintgatànt fa'gl preascha a parquegl vean par part igl rumàntsch amblido. Aprovo unanimameing.

5. Aprovar igl rendaquent 2021 ad igl raport digls revisurs

Flavio meta avànt igl rendaquent, el â surprieu la rola da cassier igl avust passo. Igl rendaquent e vagnieu partgieu or a tut igls preschaints. Igl amprest da l'Uniùn Rumàntscha da Surmir stuess vagnir pajieu giou agls proxims tres ons. Gudogn da bagn 10'000.-.

Antradas da bagn 50'000.-. Expensas: Egn total da bagn 40'000.-. 4000.- màncan, parquegl c'igl quent digl Casper Nicca e vagnieu megna tard, quels van alura segl quent da 2022.

Raport digls revisurs: La proposta dad aprovar igl rendaquent.

La Simona gi ca Flavio fa egna grànda lavur par l'URGC ad angraztga ad el.

Aprovo unanimameing

6. Revisur

L'URGC anquiera egn nov revisur par controlar egn'eada agl on igl quent da l'URGC. Nign digls preschaints vut surprendre que post.

7. Fixar igl program d'activitad 2022

Igls projects en pintgs parquegl ca Simona a Flavio vutan igl amprem saluvrar aint an l'uniùn.

Dus projects da translatar lecturas: Surmiran translatescha las istorgias «Grànds par pintgs» par l'amprema classa. Sutsilvan translatescha «Semper Verd» ca la Simona

ad egna colega ân scret par la 4.-6. Classa.

Agl Surmir vean tanieu an movimaint la Pagina da Surmir. Igl vean eventualmeing fatg egna giaseta bilinga. Igl â do egna santupada par vurdar ca la Pagina stat rumàntscha. Pigl mumaint e ànc betga cler, an tge direcziùn c'igl va. L'URGC stat landervei. Proxims pass: L'URS e raspunsabla mo ân nign'atgna redacziùn ple (cun l'FMR). L'URS â fatg egna retscheartga ad â ancuretga agna colavuraziùn an la regiùn. Dezider sur igl avenir da la Pagina vean dezidieu a caschùn da la radunàntza da l'URS. Impurtànt e, ca tuts en preschaints a datan la vusch. L'URS â dabets da 15'000.- tier l'URGC parquegl c'els vevan egn'atgna redacziùn. Mo ussa ân els blear miglras finanzas, parquegl e or da que aspect nign basegns da far midamaints. Tuts c'ân abuno la Pagina san ir a la radunàntza. L'URGC sa far nut ancunter las dezisiùns democraticas. Amparada Martin Cantieni: Sch'igl vean fatg biling pearda igl rumàntsch adigna, parquegl c'igl e la minoritad. Amparada Gierina Michael: Ign stuess saver, tgi c'e tut cumember da l'URS par saver bagliafar cun els da la tematica. Amparada Urezza Famos: Igl e per fatg egna dumonda, tge ca la glied vut ple bugent (biling near rumàntsch). Patric Vincenz: Igl abunent patratga betga las consequenzas, tge ca biling munta. Amparada: Scha la Pagina fuss ida an la Quotidiana fussan ieus a pearder blears rumàntschs ca ligian rumàntsch. La LR de s'angaschar a quella tgossa. Amparada: La retscheartga c'els ân fatg a purto egn resultat c'e betg giavischo near spitgieu. Sustaner fearm igl votum da Patric Vincenz. Igl rumàntsch sustegnan betg avunda. La LR: La Lia s'angascha an diferaints liacs. Igl e impurtànt c'els en activs segl tgomp naziunal mo ear agl cussegl grànd. Els en mintga gi activs agl comunal ad ear an las regiùns cun promotur(a)s regionals. Egn oter punct e la scola an Sutselva, là dat igl betg avunda sustegn pigl rumàntsch. Ign dastga betga dar sei a sto luvrar anavànt. La davosa tgossa e, igls 2 da zarcladur a Vargistagn e la Gianna Maria Cantieni ca preschainta la sia lavur tier RTR par mussar c'ign sa far interessànta roba cugl rumàntsch.

8. Aprovar igl preventiv 2022

Igl preventiv e ear vagnieu partgieu or a tut igls preschaints. Antradas spitgeadas 49'000.-. Expensas spitgeadas 50'500.-.

Aprovo unanimameing.

9. Fixar las contribuziùns anualas 2022

30.- par parsùnas singulas, a 50.- par peers

Aprovo unanimameing

10. Preschantaziùn da la Revista digl noss Sulom

La Pia Plaz preschainta la sia lavur.

11. Varia

Infurmaziùn Simona Demarmels: Reclama par la biblioteca a Savognin

Par la LR: Igl dovra visiùns par vagnir ple lientsch, igl dovra novs concepts an las scolas, igls sculars san suainter la scola betga bagn avunda rumàntsch.

Savognin, igls 19-05-2022

Giulia Riedhauser